

## یوہنائے سئیمی کاگد

### دُرود

1 چہ کلپسائے کاشئے نیگا پہ دُردانگین گایوسا کہ پہ دل منا سک  
دُوست اَنت.

2 او دُردانگ! دُوا کَنان کہ تئی سَجھین کار پہ شری دِیما برٹونت و  
تئی جسم و جان، ہم تئی روہئے پئیما دُراہ و سلامت بیت. 3 باز  
گل و شادان بوتان کہ لہتین سنگت آتک و گواہی اش دات کہ تئو  
راستئے و پادار ائے، بزبان وتی زندا راستئے سرا گوازینگا ائے. 4 ہچ چیز  
منا چہ اشیا گیشتر شادان نکت کہ بشکان منی چک راستئے سرا زند  
گوازینت.

### براتانی مدت کنگ

5 او دُردانگ! تئو براتانی \* سَجھین کاران گون و پاداریا کئے، تُرے آ  
پیگانگ ببت. 6 آیان، باورمندانی دِیما پہ تئی مہرا گواہی داتگ. اے  
سکین شریں کارے بیت کہ تئو آیان ہما پئیما سات و سپرا رٹوان بکنئے  
کہ ہدائے رزا اَنت. 7 چیا کہ آ پہ ہما نامیگی † سر گپتگ اَنت و چہ

\* 1:5

51: «برائے» مانا ہر باورمند اَنت، مردین و جنین.

† 1:7

71: بزبان ایسا مسیئے نام.

ناباوران † کمکے نگپتگش. 8 گرا ما باید انت چُشین مردمان مدت بکنین،  
تان ما پہ راستیے دپما برگا ہمکار بین۔

9 چیزے پہ کلیسایا نبشتگن، بلہ دیوتریپیس کہ مستریے لوٹوک انت،  
مئے اہتیارا نمیت۔ 10 وهدے وت بیایان، آینے کارانی حساب و کتابا  
کان، چیا کہ مئے ہلاپا دروگین بہتام شنگ و تالان کنگا انت۔ پہ اینچکا  
ہم بس نکنت، براتان وش آتک نکنت و آدگران ہم کہ براتان وش آتک  
کنگ لوٹنت پہ اے کارا نیلیت و آیان چہ کلیسایا در کنت و گلینیت۔  
11 او دردانگ! بدیے رندگیریا مکن، نیکیے رندگیریا بکن۔ ہرکس  
کہ نیکی کنت چہ ہدائے نیگا انت، بلہ آ کہ بدی کنت ہدای نیستگ۔  
12 سچھینان، دیمتریوسے بارثوا شرین گواہی دانگ، تنتنا راستیے جندا ہم۔  
ما ہم ہمے ڈٹولا گواہی دین و وت زانے کہ مئے گواہی راست و  
برہک انت۔

گڈی ہبر

13 بازین چیزے ہست ات کہ پہ تئو بنبشتینان، بلہ نلوٹان گون کلم و  
کاگدا بنت۔ 14 اُمیتوار آن کہ پہ ہمے زوتان ترا بگندان و دیم پہ دیم  
گپ و تران بکنین۔

15 ترا سہل و آسودگی سربات! دؤست ترا درود و درہبات گوشنت۔  
تئو ہم دؤستان یک یگا پہ نام، درود و درہبات سر کن۔

بلوچى **Balochi**

**Balochi, Southern: بلوچى Balochi (New Testament+)**

copyright © 2016 Wycliffe Bible Translators, Inc.

Language: Balochi, Southern

Contributor: Wycliffe Bible Translators, Inc.

[www.balochimestag.com](http://www.balochimestag.com) [www.youtube.com/user/balochifilm](https://www.youtube.com/user/balochifilm)

All rights reserved.

2020-11-16

---

PDF generated using Haiola and XeLaTeX on 21 Feb 2024 from source files  
dated 29 Jan 2022

fe99fc84-11bd-5637-a7f3-a8ffa8c1dea9